

Vasilij Devjatnin,
La kverko kaj la kano

La kverk' parolis kun la kan' humila.
 «Vi, certe, ĉiam vian sorton plendi povas»,
 Li diris: «eĉ pasero estas malfacila
 Por vi. Apenaŭ nur ventet' malgranda blovas,
 Vi ŝanceliĝas, falas senkuraĝe,
 Kaj tiel fleksas vin al tero,
 Ke vidi estas vin domaĝe.
 Kaj mi, egala al Kaŭkazo, kun fiero,
 Ne sole kontraŭ hela sun' mi ombron faras,
 Sed al ventegoj, fulmatondroj [tiel] kontraustaras.
 Fortika mi kaj rekta staras,
 Barita kvazaŭ per nedetruibla paco:
 Por mi zefiro estas, kaj por vi—minaco.
 Se kreskus vi ĉe mia forta kruro,
 Per densa ombr' de miaj branĉoj ĉirkaŭita—
 Vi kontraŭ ventoj tiam estus defendita;
 Sed vin lokigis iel la naturo
 En akvo ŝancebla apud bord' rivera:
 Sendube, estas la natur' al vi severa»
 —«Vi tro kompatas min», al li la kano diras:
 «Sed mi ne plendas tute, vane vi sopiras.
 Mi la ventegojn ne pro mi timiĝas; [tiel]
 Mi fleksas [tiel] min, sed ne rompiĝas,
 Do ili min ne malkuracas;
 Kaj vin, mi kredas, ili pli ol min minacas!
 Verdire, antaŭ la ventega krueleco
 Ne falis via fortikeco,
 Kaj pro iliaj batoj vi ne klinis spinon;
 Sed—ni atendu finon!»
 Apenaŭ ĝin la kano diris,
 Kaj flugas jen de norda lando
 Pluvego, hajlo, ĝusta ribelega bando.
 La kverko staras,—teren kano sin ektiris.
 Bruegas vento, fortojn duobligis
 Kaj tiun ĝi elradikigis,
 Cielon [tiel] kiu tuŝis per la kap' fera,
 Kaŝante la kalkanon en profundo tera.

*Verkinto de tiu ĉi Esperanta poemo estas VASILIJ DEVJATNIN (*1862 – †1938).*

Arg-1049-2128 (2014-06-08 22:45:19)

Fabelo verkita origine de I. A. Krilov. Vidu la retejon http://eo.wikisource.org/wiki/Fabtoj_de_I._A._Krilov.